



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XXXIII. Epistola Eberhardi Salisburgensis Archiepiscopi ad Conuentum
Cremsminsterianum.

urn:nbn:de:hbz:466:1-41527

Epistola Eberhardi Salisburgensis Archiepiscopi ad Conuentum Cremismunsterianum.



BERHARDVS GRATIA DEI Salzbürgensis Archiepiscopus dilecto Fratri Irmberto & venerabili Electo Monachorum de Cremismunstura orationē & fraternam dilectionem. Quanta diligentia & sollicitudine Frater noster dilectus & venerabilis Episcopus Patauiensis pro vobis laborauerit, personā vestram cupiens exaltari in monasterio Cremismunsture, eo quod speraret disciplinam monastici ordinis in eodē loco collapsam, per vos posse reformari, non ignorat fraternitas vestra. Cuius instantia, cooperante gratiā DEI, eo vsque conualuit, vt monachorum eiusdem loci, aliquando DEO atque Episcopo suo repugnans, humiliata & contrita sit, in tantum, vt nunc deuotē monastico Ordini, cui aliquando resistere intendebant, colla submittentes, secundum intentionem & desiderium Domini Episcopi Abbatem à nobis expectent, sicut in litteris, quas Domino Abbati direximus, plenius cognoscere potestis.

Nihil itaque iam restat, nisi vt humiliter colla iugo Domini subiiciatis, & ad laborandū in vinea ipsius, studio boni & fidelis serui animum præparetis. Speramus enim de DEI misericordia, quod omnia vobis faciat ad votum concurrere, annuente & cooperante industria Domini Episcopi, nec non aduocati effectuosissima beneuolentia. Mandamus itaque in nomine Domini, & mandando præcipimus; quantinus ei qui elegit vos in partem sollicitudinis Sanctorum, DEO omnipotenti deuotē & humiliter obediatis, & ad curam, quæ vobis offertur, fideliter exequendam Domino Episcopo Cremismunstere occurratis.

—(P)—

XXXIV. Epi-